

第十期 三月一日出版

國

醫

正

言

劉嘉琛題



孫 總 理 遺 像



遺 囑

余致力國民革命凡四十年其目的在求中國之自由平等積四十年之經驗深知欲達到此目的必須喚起民眾及聯合世界上以平等待我之民族共同奮鬥現在革命尚未成功凡我同志務須依照余所著建國方略建國大綱三民主義及第一次全國代表大會宣言繼續努力以求貫徹最近主張開國民會議及廢除不平等條約尤須於最短期間促其實現是所至囑

國醫正言第十期目錄

一 文 件

呈中央國醫館辨論統一病名草案
文……………會覺叟

天津中醫公會又一呈中央國醫館
文……………陳澤東

二 論 壇

湖南湘雅醫科大學所著結核常識以細胞包
圍細菌為治肺勞良法之奇談……………會覺叟

三 辨 駁 欄

與張拱端先生書……………鄒趾痕
與周禹錫書說明偽書最顯明之偽跡三
條……………前 人
周禹錫覆書……………前 人

國醫正言 第十期 目錄

四 專 著

與周岐隱先生書附古本傷寒雜病論
偽跡二條……………前 人
閱余岩對焦館長為擬定國醫條例告
國人書商榷之糾正……………會覺叟

聖方治驗錄（續）……………鄒趾痕

國醫傷寒課義（續）……………陳澤東

傷寒問答（續）……………沈肖卿

傷寒要畧（續）……………張蘭亭

五 實 驗

腹膜炎治愈之實績……………袁 華

六 時 症 專 欄

天津市中醫公會救疫議案並治法

七 瑣聞

南京中央醫院草菅人命之寫真
上海中西醫藥研究社成立大會紀

八 社會義務欄

本欄簡則

驗方（治鼻衄方）……………齊志學

四川 文林堂

啓事敝號自創辦以來蒙各省化驗許可及天津市政府社會局
批准許可准 予批發銷售 **人參歸脾丸** 善戒嗎啡白面鴉片
攜帶便利在最短期間定能戒除并且開胃健脾增加飲食誠實
戒癮之良劑也敝號天津南市月中桂對過文林堂及南市永安
大街華樓北泰豐樓對門路西文林堂外并無分號特此聲明
日界旭街中原公司迤北路西裕大銀號旁文林堂啓

文 件

▲呈中央國醫館辨論統一病名草案文

湖南曾覺叟

呈爲呈賈簽註整委會統一病名草案。並條陳整理意見。請予察核事。查屬館日前呈報學術整理委員會成立情形。並請展期一月各節。度呈鈞鑒。此項公文上呈後。即行開始簽註。以爲鈞館此次整理中醫學說。關乎數千年之文化。關乎全國之趨向。以國體論。以學術論，必就中醫學說以整理中醫。縱西醫學說有可節取。亦必以中醫爲主體。而以西醫學說之可採取者。附於其後。萬不能強中西之不能合者。以爲統一。且以西醫爲主體。而以中醫爲附屬品。况整理之法。首應統一漢後學說。必如此方不失國體。方爲發揚中國之固有文化國粹。今整委會統一病名之宗旨。乃全與之相反。展閱草案。不禁駭然。中醫之根本在氣化哲學。而包括科學中之自然科學。西醫根本爲科學中物質之一部份。學術之根本不同。今之草案。乃欲強萬不能同者。以使之同。其誤一也。整理步驟。必以統一漢後學說爲先。今之草案。乃從統一病名入手。此一誤也。統一病名之中。又以西醫爲主體。而以中醫爲附屬品。且翻閱全案。滿紙皆西醫病名。而中醫學說之病名。直等於晨星落落。此案一出。中醫將根本消滅。此之一誤。直鑄九州之大錯矣。鈞館之整理中醫學說。固以發中國之固有文化國粹爲宗旨也。若如此次整委諸公之辦法。則中醫之學術。將不亡於整理之前。而亡於整理之後矣。尙不如不整理中醫尙不至根本消滅也。整委諸公。以中國人發揚中國之醫學。乃反抹煞本國

。而以外人凌駕其上。如中衛之中華藥典。無中國藥物。誠不解其是何用意。此項草案頒到時。中醫同人。紛紛議論。僉謂西醫知中醫學說根本深固。僅以西醫學說攻擊。萬難取勝。必運動中醫以爲內蠱。使其學說崩潰。而後中醫可以根本消滅。今觀於整委諸公之統一病名，誠不能不令人生疑。同人等之擬議如是。覺叟雖不敢遽以爲然。然草案具在。固明明以西醫爲主體。而以中醫爲附屬品也。整委諸公之用意。萬不能如同人之所擬議，意者整委諸公固皆注重西醫學說。而於中醫學說。反或疏略之故。國體國粹。固人人所知。無庸贅言。今以中西醫學說不能統一之實在理由。爲鈞館陳之。中醫學說。根據氣化哲學。而包括自然科學。其病理學分三大因。一爲外因。以六氣統之。一爲內因。以臟腑統之。總因之中。又分各病之因。各病之中。又分各種症候。病理根於生理診斷治療根於病理。統系厘然。有條不紊。一爲不外內因。則以外不由於六氣。內不發於臟腑。而受各種物理刺激之傷者屬之。無一理不精確。無一名不切實。此種學說。誠萬古不可磨滅不能變更者也。不特覺叟一人之言如是。卽海內中醫同人。亦皆如是。如以覺叟之言爲私見。以同人之言爲主觀。則請再以蔣委員長發揚中醫之偉論。爲鈞館陳之。蔣委員長謂中醫之大本營。在乎自然之氣壓與溫度。人體上之精神與心靈。包括六氣七情。惟六氣之不和。然後病菌略襲。惟七情之不調。而後疾病叢生。凡此精神所集注。心靈所覺察。決非科學之法則所能說明。機器之優劣所能試驗。蔣公革命元勛。黨國柱石。非對於中醫學說有深刻之認識。立言何能如是之精確切實。既有此獅子吼海潮音之說法。凡我醫界同人。宜如何猛然醒悟。今整委諸公之宗旨。乃完全與此反背。姑就整委會內科病名草案言之。以外因言。則抹煞外感之六氣。因西醫以腸窒扶斯爲傷寒。故列傷寒之名。

而以中畧列於物理病中。然雖列此二氣之病名。而並無二氣之病證。此外四氣。則付之闕如。以言內因。則強易臟腑之名。而強名之以臟器。以其並不成統系者。而強分之爲統系。七情六慾。更非所知矣。覺叟謂西醫學說之弊，在泥局部。而不知全體。在執現象。而不知求原因。其大弊則以人爲物質構成。以病爲物質之發生障礙。而不信有陰陽寒熱表裏虛實。以言醫學。而昧於全體。不知原因。無陰陽寒熱表裏虛實。尙可成爲醫學者哉。今整委會內科病名之弊。即在于此。一部內科病名。驟觀之。似皆切於病情。然見腦治腦。見肺治肺。見腸治腸。見尿治尿。整委諸公之意。方以爲西醫之病名。皆得之實驗。勝於中醫哲學之空談。而一考其實在。何一病而可推及全體乎。何一病而可求其原因乎。至於陰陽寒熱表裏虛實。更非所論矣。更何從據其病名。以施診斷治療乎。總括以言之。全部內科病名。皆以一病中之現象症候。稱爲病名者。天下又豈可以一病之各種現象症候。而可稱爲病名者哉。不特此也。中醫之病名。多本於病原。而西醫之現象症候。如臟器破壞。硬化某管某腺之類。多係解剖後之所見。不知一經解剖。則氣化立停。而現象症候亦隨之俱變。尙可據之以定爲病名乎。中西醫本不能統一。今強不能統一者以統一。遂不得不以中醫之病。強附於西醫現象症候之下。且混以解剖後之所見。以倒果爲因之故。遂至張冠李戴。牽強混亂。令人目眩心迷。無所適從。整委會之內科病名。既根本錯誤。至於編審會之內科病名。對於臟腑。雖加以系統之名稱。而臟腑之名尙存。惟以傷寒列於傳染病。雖與溫病對峙。而無風濕燥火各氣。且以著病列入霍亂系。六氣爲中醫外感總系。今如此。是氣化學說之屬於外感者。已無形消滅。若其臟腑之病名。西醫有此現象之症候者。方得列入。此篇對於中醫臟腑氣化之病。反爲缺略。雖臟腑之名。

得因統系而存。而內傷氣化之病。又以無形消滅。卽全書以中醫病名爲主體。較之整委病名草案。尙知保全國體。然以上之誤點。若不加以改正。則亦名存實亡而已。內科爲病理主科。而乃如是。此次之統一病名一案。已根本不能成立矣。總之中醫之根本在氣化。病理之外內兩因。亦皆根據氣化。此次整編之內科病名，雖不明言推翻氣化。而氣化已無形消滅。氣化不存。中醫更無立場之地。若卽以此頒行全國。中醫之學說。將從此根本消滅。必如日本人言。中國欲學中醫。非從日本人轉學不可。覺叟謂不亡於整理之前。而亡於整理之後。非激也。理實如是也。事實如是也。以此推之。中西醫學說之不能強爲統一。已毫無疑義矣。如以爲非溝通科學。則中醫不能自存。則日本渡邊熙氏。自述其遊學德國。所得之實驗科學證書。不過一紙文憑，治病全無所用矣。如以爲潮流不可違背。則渡邊熙氏。又謂凡事可順潮流。獨醫學不可靡然從風矣。維新首推日本。物質醫學推首德國。渡邊熙氏以維新之人民。學於物質醫學最高之國。其學位又爲醫科大學博士。其所言乃如此。中西醫學之不可強爲統一。更成鐵案矣。如謂非以西醫統一。不能與國際平等。不知中國之所以不如外人。而不能平等者。武備工業耳。至於文化國粹。何一不駕外人而上之。今欲國家之強。師法外人之武備工業可耳。國家歲糜無量巨款，貲送學生出洋。對於武備工業。應當師法者。未聞收毫厘之效。而反媚外忘本。日以消滅本國之文化國粹。爲其無上之天職。如以爲一如此而可與國際平等。則中國已廢數千年夏曆正朔。而奉西人之洋曆爲正朔矣。何以尙不能平等乎。果如此。則外侮之來。奉之爲主體。卽可平等矣。古今中外。五洲萬國。有如此求平等之法乎。質言之。卽國未亡而甘心先爲亡國奴而已。果如此。尙何中國之有。更何中醫之有。更何整理之可言乎。中國氣化

醫學。爲中國之所獨長。泰西各國之僅知物質醫學。而不知氣化醫學。爲泰西之所短。中醫必化爲世界醫。西醫必欲完成其醫事。非歸納於中醫。以求進步不可。今縱尙非其時。又何必強不能統一者。而使之統一乎。鈞館此次整理中醫學說。固欲發揚中醫。以定全國之趨向也。如果如此次之統一病名草案。不特愈整理而愈紛亂。且反以促中醫之消滅。豈獨湘省醫界同人不能贊同。以施君今墨前歲之統一病名之舉推之。即海內同人。亦恐未必承認也。中國自維新以來。文化國粹。已將摧殘殆盡。僅此碩果僅存之醫學。亦使之根本消滅。何其太忍乎。鈞座公務紛繁。或未逐一考覈。覺叟與西醫同事十年。日研究中西統一之途徑而不可得。既已深知。何忍緘默。惟現在各整理委員簽註之冊。尙未竣事。謹以覺叟所簽之整委會內科病名一冊。並將所以中西病名不能統一之實在理由。條陳意見。及整理委員賴良蒲簽註編審會內科病名一冊。先行呈閱。以備采擇。伏祈鈞座毅然獨斷。屏除衆論。以中醫爲主體。並根據中醫氣化學理。整理中醫而以西醫物質學說之可備參考者。附於其後。庶中國國體。得以保全。中國數千年聖哲明達發揚光大之醫學。不致消滅。中國四萬萬同胞生命。有所保障。中醫幸甚。中國幸甚。（下略）

▲天津中醫公會又一呈中央國醫館文

陳澤東

呈爲統一病名草案陳述意見懇予採納事竊屬會近聞

鈞館頒發統一病名草案令各國醫加以簽註云云但此項草案屬會並未見原文祇聞以西醫爲主體以國醫爲屬品以作整理國醫學術之方法等因聞風之下不禁愴然若果如此則國醫之眞實效力將爲西醫所消

滅矣查國醫氣化之學理係病之原因西醫物質之學術係病之形狀究其形狀因何而成則一概不知西醫之治病以物質爲目的一醫不能愈千百醫皆不能愈而中醫之治病以氣化爲根本淺學之醫不能愈而深學之醫即能愈此科學醫不如哲學醫之明證也嘗聞協和醫院吃官司中央醫院受彈劾近唐佛哉之夫人又誤死於中央醫院矣載在報紙令人皆知此科學醫不及哲學醫之又一明證也

蔣委員長係軍政學術專家而於醫學未嘗素具竟謂中醫之根本在乎氣壓與溫度人體之精神與心靈包括六氣七情六氣不和然後病菌侵襲七情不調而後內病叢生凡此精神所集注心靈所察覺決非科學法所能說明機器之優劣所能試驗又有口人渡邊熙爲德國醫科大學博士乃謂實驗科學證書爲一紙空文治病全無所用又謂凡事可順潮流獨醫學不可靡然從風

蔣委員長非醫界中人而所論中醫之要點竟如彼而渡邊熙爲德醫大博士所言西醫科學之無用又如此鈞館整理審編諸公皆當世國醫名彥對於國醫學當有深刻之認識乃整理國醫之方法竟以西醫爲主體是何故也如以爲國醫散漫無紀可將古今正當之醫書搜集薈萃擇取精華按表裏陰陽寒熱虛實分列門類綱領條目編爲有統系之醫書始能認明天地之氣化以測人身之氣化再取藥性之氣化以補救人身氣化之偏若果如此整理即爲哲學中精邃之科學必可識症必可活人勝於西醫削足就履不知原因殺人不憫之科學萬萬也 屬會 發刊國醫正言報非故與西醫爲難特爲救世保種設也且垂裕後昆人之恒情倘必以西醫法整理國醫則恐吾同種後昆輩天弱不遑矣 屬會同人痛進慈言尙請原諒採納則國醫幸甚種族幸甚不勝惶恐待命之至謹呈

中央國醫館館長

論壇

▲湖南湘雅醫科大學所著結核常識以細胞包圍細菌

爲治肺勞良法之奇談

湖南曾覺叟

古今用兵之法，未有仗義討賊，不以兵力剿滅，而令人民永遠包圍，勿令其出，有如是之兵法乎，無有也，求之尙父司馬之兵法無有也，求之孫吳之兵法無有也，即求之近代會胡之兵法，亦無有也，如是又何解於湘雅醫科大學結核常識書中之以細胞永遠包圍細菌勿令其出之法乎，夫醫之治病也，猶將帥之率兵以討賊也，將帥之率兵討賊，必以殲滅賊人爲唯一之計劃，賊人不滅，則人民一日不安居，醫師之治病也，亦以去病爲無二之目的，疾病不除，則元氣不能恢復，殺賊未聞不以兵力剿滅，而使人民永遠包圍，勿令其出者，治病亦未聞不以方藥尅病，而恃病者本身之細胞，永遠包圍，勿令其出者，而竟有之，且列之爲治法矣，並刊之於教科書，而垂爲常識矣，豈海外有此新戰術，而采之以爲治病之良法乎，結核常識第一章細菌戰敗之結果下注云「身體倘能保持其良好之飼育，供給新鮮空氣，優良生活，則體內之細胞，日就強健，不爲細菌之毒氣所侵，甚雖死滅，不過稍受刺激而已，此種刺激，能將單圓細胞，變成長細胞，漸成瘡痕組織，如得適宜情形，則瘡痕阻織之壁，漸次變厚，又因自然能力，輸送石灰質以包圍細菌，故於二三年後，即可成爲堅壁，以阻

邊細菌之推廣，是之謂結締作用，因此種作用，能戰勝細菌，阻止疾病之活動，而得健康之良機，故醫家即據此點多方以促成其結締作用，以戰勝其酪化作用，據此以觀，任何治療方法，均宜根據此點，極力設法，使患者身體強健，得將細胞構成堅壁，以包圍其疾病，是謂之增加抵抗能力，有此則能望戰勝細菌也，是以此病之原理，即為酪化作用與結締作用之戰爭，身體細胞，若能保衛得法，能得優良滋養，則可堅圍細菌，使成無害之物，或竟毀滅之，驅除之，致不傷生而後已，否則細菌行將殺毀細胞，終成致死之因，多數民衆，獲得結核傳染而致死者，僅十之一至七之一，可知吾人所具之抵抗能力甚強，苟能注意衛生，增加抵抗力，則此病亦不能為害矣，「以上所引，皆結核常識中第一章細菌戰敗之結果下注原文，人身之細胞，既能組織，又能輸送石灰質以成爲堅壁，是合泥匠石匠之知識能力而兼有之，不特此也，且能阻遏細菌之推廣而兼知兵法矣，不知誰指揮之而誰督率之也，亦奇矣哉，既以此病爲酪化作用與結締作用之戰爭，戰勝戰敗，一聽細胞細菌之能力，是病者之身乃一戰場，醫者不過一壁上之觀戰者而已，如以爲補正驅邪，則補有應補不應補之分，即應補亦當分別如何補法，非牛乳等品所可顛覆了事，况云補而細胞即可聽命抵抗細菌，則仍係氣化作用，物質固不能如是也，至於驅邪，則於補正之中，必兼以驅邪之法，而此又無之也，是尙得以新醫自居，以科學驕人乎，所謂新者固如是乎，所謂科學者，固如是乎，所謂肺病治療法，即如是而已乎，人身之細胞，既有此能力，又何用汝輩醫生爲，病者之細胞，不知能成堅壁與否，醫生之顏甲，固可成堅壁矣，以此觀之，西醫對於治肺，實無良好之法，惟恃病者本身之細胞自然抵抗，其所謂毀滅驅除之者，亦指細胞自然之力而言，非其治療有此能力也，此篇以外，亦稍列方

法，不過裝點門面，其亞砒酸樟腦酸等品之烈燥，最足以傷肺陰，且反助細菌以害細胞矣，其醫科教法如是，其肺癆療養之治法，亦自不外是，故近日在院治療之人，多有出院而就中醫診治者，且有以登報聲明其誤治者，則其不能治療肺病，已彰彰在人耳目，而無可掩飾矣，至在院亦有愈者，則其未成肺病，而可以將養愈之者，固非彼治療有此效果也，且中醫對於癆瘵，每多不用藥品，而以此調養法治之，調氣之外，注重養心，較西醫之專恃空氣者，尤爲完善也，然而政府每月授例補助之資，且近千金矣，以爲治療，則不過細胞細菌戰場上一壁上觀之人，如爲其房屋高大，適於調養，則隨處皆有，且鄉間山水之清幽，空氣之清潔，更於病者爲適宜也，捨此又何所取乎，紅樓夢一書，曹雪芹之寓言也，其載王道士療妒之法云，每日以冰糖蒸梨與服，以迄於死，自無發生妒病之時，結核常識書中治法，殆亦同此，如人身之細胞，能永遠包圍細菌，而勿使其外出，俟其人死，其細菌自不能爲害，與王道士療妒之法，如出一轍，或即以王道士療妒之戲言，爲其衣鉢之心傳歟，此其知識學術，亦如調達之不可思議，余岩等對於中醫神聖不可侵犯之學說，無一毫罅隙可乘，尙敢以是作非，橫加詆毀，而對於此種學說，則置若罔聞，聽其貽笑社會，殆嫫母不知其醜，無鹽自以爲美乎，抑同此賀蘭進明之嗜好乎，果如此則今日剿匪無須軍隊，而使人民永遠包圍，勿令其出，不知人民豈有永遠包圍賊匪之力，細胞又豈有永遠包圍細菌之力，人民終必受害，病者終不能愈，是說也，以之治賊，則足以養賊，以之治病，則足以殺人，乃敢刊爲教本，垂爲常識，非特欺湘省無人，醫學前途，尙堪設想乎，充彼之學說，一病有一病之細菌，均恃病者之細胞永遠包圍，以爲治療，果中醫亦科學化而學彼，中國四萬萬同胞之生命，其將何所保障乎，亦大可哀矣。

中醫之治肺病也，何如乎，中醫之對於肺病也，分爲二種，一種係肺藏自病，一種由他藏牽及之病，若西醫所言之肺病，則多係中國之癆瘵病，多不起於肺，而由他藏之牽引，故不專名爲肺病，其治則察其何藏受病，卽以此藏爲主，此藏之病愈，肺藏之病亦自愈，卽病在肺藏，亦必察其爲六淫外感，七情內傷之分別，一病有一病之方法，一病有一病之藥物，以視西醫之見肺治肺，泥細菌而不知六淫七情，泥局部而昧全體者，奚止上下床之分，況對局部亦無治法，對於細菌亦無法消滅，惟持病者本身之細胞以永遠包圍細菌，與尙待研究，及未發明特效藥，同狙公賦茅朝三暮四之見解，且平心以論，猶不如尙待研究及未發明特效藥，尙有屠刀下留人之功德也，抑更有進者，近日德醫旭懷來氏，主張肺病由神思而得，非由細菌，是雖知七情，而不知六淫，然其結核之學說，則已不能成立矣，結核爲西醫中堅學說，中堅學說不能成立，則一切學說，皆不能成立，同人等但以氣化攻其結核，中堅破則餘可瓦解，此亦用兵扼要之法也，噫。豈特細胞包圍細菌，爲醫界之怪現象哉，中日事起，某大員，則主張宣而不戰矣，某大員，則持敗北主義矣，軍國大事，尙以敷衍畏縮主意出之，況醫道乎，尙何言乎，尙何言哉。

附註：此篇可與吳君漢仙醫界警鐸之論西醫治肺，及拙著肺病正名參看。

此文脫稿已久，因披露太甚，故未付刊，乃去年湘雅醫院院長王子珩，竟建立衛生十年計劃以消滅中醫，且宣言衛生人材，皆取之湘雅，而又奪取貧兒院，以擴充其肺癆病療養院，驕橫如此，不特中醫同人異常憤激，卽社會亦深抱不平，今特將此文披露，俾今之媚外忘本者流，了然於西醫造就人材之法如此，西醫治肺癆之無上方法如此，或亦可廢然自返乎。

辨駁欄

(續)

▲與張拱端先生書

鄒趾痕

拱端先生大鑒，茲奉到

大著題贈并來函，暨附觀古本傷寒雜病論感言，捧讀之下，欽佩莫名，尊著傷寒會參，闡發陰陽六氣之旨，優入聖域，誠曠古未有之傑作，慕名久矣，今又得睹古本傷寒論感言，具雷霆精銳之目光，識透冒充聖經之破綻，敢不傾心佩服，溯今一月二十六日，愚接到同學好友周禹錫，由四川隆昌郵寄來古本傷寒雜病論十六卷，愚披閱之下，其中作偽醜態，層見疊出，雖知其偽，究未便顯揭他人陰私，惟慮禹錫與愚有同學同道之誼，恐其被偽書引入偽途，爰舉該書偽跡三條，覆函告之，旋得禹錫函，已得禹錫同意，釋我懸繫，遂將此事度外置之，乃二月九日，又奉到浙江寧波周岐隱先生，郵賜傷寒汲古一書，乃知岐隱亦被偽書所惑，因而立與岐隱覆書，明告以偽，光陰易逝，倏屆國曆歲暮。

瓊函遙賁，乃知燭奸識僞，竟有勝過趾痕如先生者，謹將趾痕與禹錫及岐隱二書，附呈台端，尙希指正爲荷，順祝

鄒趾痕上言二十三年十二月十三日

▲與周禹錫書說明僞書最顯明之僞跡三條

一曰，名實不符也，傷寒論三字，是原有之名，又名卒病論，亦是原有之名，從無傷寒雜病四字之名稱，有之見於仲聖原序，但原序係仲景全書之序，非傷寒論一書之序，仲景全書，有平脈一卷，辨脈一卷，傷寒論合霍亂易復瘥溼喝不可發汗可發汗不可吐可吐不可下可下共八卷，金匱要略八卷，故原序云，并平脈辨脈爲傷寒雜病論十六卷，蓋原序所謂雜病者，指傷寒金匱全書而言也，今僞本只傷寒論一書，竟稱傷寒雜病論，揆厥致誤之由，必係作僞者不知原序，係仲景全書之序，不是單序傷寒論，於是遂將原序中，傷寒雜病四字扯來，作爲該僞本之名稱，在作僞者之意中，以爲此四字係根據原序而來，更無人能够駁得倒的，愚之甚矣，不知其僞跡，正在此處大露破綻矣，

二曰，傷寒傳經六條，不通極了，僞本三卷傷寒例欄內，有曰傷寒傳經，在太陽脈浮而急數，發熱無汗躁煩，宜麻黃湯，下文曰傳陽明傳少陽傳太陰傳少陰傳厥陰，皆各有症狀，各有湯方，在作僞者，以爲傷寒傳經，當然六經皆傳，當然六經各有傳入之症狀，各有治療之湯方，不可缺也，而仲景原書對於傳經言焉不詳，但曰傷寒一日太陽受之，頗欲吐，若躁煩脈數急者爲傳也，其於陽明少陽，則曰傷寒二三日，陽明少陽症不見者，爲不傳也，其於太陰少陰厥陰，則曰

傷寒三日三陽爲盡，三陰當受邪，皆不言傳於何經，當見何症，當用何方，缺漏太多，今僞本六經傳入之證狀，六經之湯方，一一備載，毫無遺缺，此何如其完美也，殊不知自趾痕觀之，乃極愛仲聖書談傳經之完美，痛恨僞本之畫蛇添足，更恨作僞者不知傳經敢言傳經，吾不知其何以大膽敢言若是也，或曰不知恥則何所不敢，噫，然乎否乎。

三日，發汗溫曖湯藥，一日一夜服二三劑乃解，若汗不出者死病也，發汗二字無分別也，死病二字爲武斷也，僞本三卷傷寒例欄內有此一條，此條係由仲景桂枝湯方煮服將息法套來，仲景原文無發汗不出爲死病之文，而傷寒例加入此說者，係由不知發汗法，乃爲平素無病之人新感風寒，必須覆被發汗，將新入之邪立刻驅除務盡，還他無病原體之意，又進一步云，倘或一劑發汗不出，其邪不去不可罷休，當在此一日一夜內作二劑，必以汗出邪盡爲度，言外便有除邪務盡，雖服二三劑亦不爲多，何以故，此法用於平素無病新感風寒之人，所服的桂枝湯方則可，若服麻黃湯葛根湯大青龍湯，又不可照桂枝湯二三劑一例而服也，而僞本無此分別，且又加汗不出者死病也之文，謬之甚矣，按此條出在宋本傷寒例欄中，此條之僞，當係宋人所爲，總之不論宋人今人，凡有僞條，皆當盡力排黜，不容玷污仲景聖潔之文，今爲辨僞故，不妨并及之。

▲周禹錫覆書二十三年三月十八日在平收到

趾師函丈，古本傷寒雜病論，得我師一言指破，其爲僞本無疑，就中尙有可疑者，風溫，其人素有熱，而又與桂枝湯，豈不犯桂枝下咽陽盛則斃之禁乎，霍亂兼疫氣用沉香丁香，本經不載，陶洪景

別錄始有沉香，宋開寶本草始有丁香，豈仲景後漢人，而用梁宋時之藥物乎，是亦當受駁者也。

▲與周岐隱先生書

岐隱先生大鑒，一月三十日，蒙郵贈精神婦科汲古三書，拜讀之餘，欽佩莫名，趾痕對於精神婦科二書，洵爲

先生確有心得之作，可誦可珍，獨於傷寒汲古一書，懷疑莫釋，覺得此書僞痕太露，破綻百出，疑此佚文一百六十五條，訂訛七十九條，佚方八十有八，字字皆僞，趾痕知其僞，自然不受其惑，獨於初學聖道，躑躅岐途，倘遭此僞書之蠱惑，勢必走入僞域，終身無由入聖道之門矣，趾痕於此，深爲同學友周禹錫懼，是以取僞本中僞跡最顯著之數條，詳加指駁，函告禹錫，一日，名實不符也，二曰，傷寒傳經六條不通也，三曰，發汗溫暖湯藥，一日一夜服二三劑乃解，若汗不出者死病也，發汗二字，無分別也，死病二字，爲武斷也，總計四千餘言，已與禹錫寄去矣，所以如是其急者，趾痕有領導之責，不可不先告也，不知先生亦肯許趾痕作是說否，是否之處，尙祈不吝忠告，啓我愚盲是荷。

▲附古本傷寒雜病論僞跡二條

僞書十一卷九頁少陰病四逆一條，原文四逆散主之，方用甘草枳實柴胡芍藥四味，各十分，搗篩白

飲和服方寸匕，日三服，該僞本改註曰，四逆散即四逆湯中四味爲散，這種改法，顯見作僞者不知四逆散症，更不知四逆散方，他不知我不怪，所可怪者，他要冒充仲景，硬要加糞於佛頭，把醫聖妙用無窮之方，改爲無用之方，寧不可歎可恨可悲可怒也哉，須知四逆者，四肢逆冷也，少陰之四逆症有生陽不升，下焦寒冷者，有生陽鬱於中土，欲升未能者，生陽不升下焦寒冷之四逆症，宜四逆湯，生陽鬱於中土，欲升未能之四逆症，宜四逆散，醫當於臨症時，細心辨認，務於二症疑似之間，求其疑團氷釋，宜湯宜散，確有把握，方不愧爲良醫，若彼作僞者，只知生陽不升之四逆湯症，不知生陽欲升未升之四逆散症，執一偏以誤人，其罪大矣。

又僞書十卷二頁，少陽病氣上逆，令脇下痛，痛甚則嘔逆，此爲胆不降也，柴胡芍藥枳實甘草湯主之，此條柴胡芍藥枳實甘草湯，即是仲景四逆散方，作僞削去四逆散之名稱，而用四逆散之藥品作湯，改其名稱曰柴胡芍藥枳實甘草湯，觀作僞者之心中，以爲這幾味藥，只可用於少陽，不可用於少陰，吁，何其癡也，彼烏知太陽與少陰相爲表裏，太陽篇中有少陰症，少陰篇中有太陽症，如太陽篇云，傷寒脈浮，反與桂枝湯，得之便厥，作甘草薑湯，厥愈足溫，玩此是太陽篇中有四肢厥逆症也，又傷寒下之，續得下利清穀，宜四逆湯，玩此是太陽篇中有四逆湯症也，則太陽篇中有少陰症明矣，今則少陰篇中有四逆散症，即少陰之邪欲達太陽，仲景用四逆散達之，是故四逆散症者，即少陰篇中之太陽症也，彼作僞者，烏足以知之。

▲先聲

一，仲景傷寒傳經之真象也。

茲因僞本傷寒傳經六條，引起趾痕興趣，竊念自古以來，研精於仲景傷寒論之碩學大家多矣，而能確實解明仲景書中傷寒傳經之真象者誰耶，惟因無確實解明之書，至今尙無定論，致有今日作僞之書，竟敢以一己謬妄猜度之言，假冒仲景之筆，惑世誣民，玷辱醫聖聖潔之書，令人痛心，趾痕不敏，竊以平生所得於醫聖默牖之恩，將醫聖傳經之真象，披露出來，以請政於當今賢豪，倘得人人認可，永爲定論，永息邪說，以期無負醫聖默牖之恩而後快，此書當於短期內出之。

一，孟叢書之解答也。

舊歲友人孟叢，以西醫報載，有云素問靈樞古書，不適於今用之說，惹起趾痕義憤，作問難二十條，徵求答覆，轉瞬一年有餘，未見答函，則無人能可知矣，近又接得各省來函，催促趾痕將孟叢問難應答之真義，宣佈出來，此事亦趾痕應辦之義務，當於短期內，將應答之真義宣佈之。

▲閱余岩對焦館長爲擬定國醫條例告國人書商榷之糾正（續）

會覺叟

若夫科學，則至今尙無一定界說，既無一定界說，則安能持以攻擊他人之學說，況天下萬事萬物，豈科學所能包括，既非科學所能包括，又何能持此以攻擊他人之學說，國醫不可見之氣化也，西醫可見之物質也，國醫即國醫學耳，但能治病，即無可推翻之理，欲執可見物質之學說，以攻擊不可

見之氣化學說，安有是處，然國醫亦有可見之物質，則由氣化而成之物質是，但此種物質，係自然氣化之物質，而非人力造作之物質，欲研究自然氣化物質之理，仍須求之自然，是之謂自然科學，以此言之，國醫固以氣化哲學，而包括自然科學者也，余岩既以醫爲自然科學，又謂國醫之非科學，其可以欺識者乎，余岩以科學爲西醫之所獨有，然既係真科學，萬無可以人力使之進化之理（見潘加來科學價值），今西人日言進化，則其全體科學，皆爲假定科學，全體科學皆假定科學，醫學又何能獨爲真科學，即以醫學論，肺病爲肺結核，由於傳染，一般西醫，固皆持此說也，而德醫旭懷采氏，獨謂此爲內傷之病，則肺結核之學說推翻矣，肺結核之學說不能成立，則西醫全體科學，皆爲假科學，而非真科學矣，余岩尙不知西醫爲假定科學，尙敢持之以驕人乎，亦妄人而已，又况科學家固言科學所不能解釋者，仍須求之哲學，是達科學之極點，仍非求之哲學不可，哲學超乎科學之上，此固世界科學家所公認，而非余岩所能推翻矣，國醫根本之學爲氣化，爲哲學之極點，而其範圍，又已包括自然科學，余岩乃詆爲不合科學，於國醫又何傷乎，此上所糾正者，爲余岩此次商榷中兩大要點，以外再就其事理荒謬而成張段者，一一摘其大略，加以糾正，其非就是說理，不成張段，與空言拉雜門湊者，置之不論。

中風之病，有由外風之侵襲，有由內風之發動，國醫學說，謂外風爲真中風，內風爲類中風，西醫無所謂外風內風，而統稱之爲腦充血，國醫學說，雖無此病名，而內中風中，實包含此種治法，近人張氏山雷，中風辯證書中，言之尤詳，腦充血之治法，中醫固已久知，而真中風之病理，西醫尙未夢見，余岩不自知其淺陋，乃反詆我中醫中風病名之誤乎，至其執漢後名家中火中氣中痰之

說以攻擊國醫學說，此乃余岩之慣技，不知火氣痰三者，無論真中類中，均有此三症，即西醫之腦充血，既包括內中之中，亦自不能無火氣痰之三症，國醫知之，故不治其腦之充血，但治其火氣痰而病自愈，西醫但知腦充血，而不知火氣痰，所以百治而難得一效，余岩不自知其誤，乃反以詆國醫乎，特是火氣痰既包括真中類中之中，自不能執病中之一症，以賅病之全體，此乃後漢學者，偏而不全之處，固不能議我博大精深之正學說也，若夫俞氏理初，本非醫學專家，乃亦引之以詆國醫，其門戶之見，更昭然若揭矣。

余岩謂西醫攻擊國醫，純係學術之研究，國醫醜詆西醫，純係業務之排擠，謂焦館長所云，國內醫界表示於我們的學理上研究，寥寥無幾，轉是業務上的排擠，一天一天的劇烈起來，不是西醫攻擊國醫，便是國醫醜詆西醫之言爲偏，其實焦館長之言，過於謙退，考其事實，只有西醫攻擊國醫，醜詆國醫，且不特業務排擠，而且欲根本消滅，其主張最力進行最狠者，即爲汝爲虎作倀之余岩，至於國醫，則久等於亡國之民，抵抗尙且無力，敢云排擠，若云醜詆，則汝余岩之侮辱國醫者若何，國醫既非涼血動物，其能任其侮辱而噤若寒蟬乎，而乃謂之醜詆乎，如再以吾言爲偏，則請証諸事實，詆國醫爲非洲之黑奴，台灣之生番者，非汝余岩乎，詆國醫爲鳩形鵠面者，非汝余岩乎，十四年阻止國醫加入教育系統者，非汝余岩乎，十八年提議限制國醫者，非汝余岩乎，繼而煽惑衛生部，廢止中醫中藥者，非汝余岩乎，二十二年運動廢止國醫者，非汝余岩乎，今則躬爲戎首，阻止我國醫館條例之頒布者，又汝是矣，西醫自入中國已二百年，尙無爭競之事，自汝余岩出，遂不容國醫有立足之地，日日排擠國醫，而反詆焦館長之言爲偏，何其驕橫無理如此之甚乎，余岩余

岩，秦皇滅六國而統一中國，盡收天下甲兵，此其權力何等強盛，乃陳涉一呼，秦祚遂亡，况汝等城狐社鼠之勢乎，吾老矣，同人等拭目以待之可也。

余岩謂焦館長所謂西醫長處，在物質文明進步，有優良之器械運用，診查精確，消毒嚴密，此幾種不足盡西醫之長，且以此西醫幾種之長，反證我之短，此真俗諺所云，不知足而得步進步者矣。其實焦館長此言，亦過於謙退，考之事實，亦并不如是，西醫之物質文明，器械優良，自表面觀之，誠可以震炫僑俗人耳目，然文明自文明，優良自優良，于治病并無何關係，即如顯微鏡，愛克司光，可謂文明優良之極矣，然顯微鏡能察微生物，而不知微生物何以生，愛克司光能見臟腑之障礙，而不知其何以有此障礙，于治病又何益乎，診查一層，其所恃亦全在物質器械，就其表面之驗血驗痰驗矢溺，不可謂不詳細，然亦自能得其現象，而不能得其原因，得其局部，而不能得其全體，其結果十之八九，原因未明，尙待研究，如是而可謂之精確乎，消毒之法，似較勝矣，然治病多有不必用消毒之法者，亦不過等於物質文明，器械優良，徒事外觀，以震炫庸俗人之耳目而已，若夫國醫，其根本既在不可見之氣化，固無須此文明之物質，優良之器械，自可治病，以云診查，則中醫四診之法，以神而不以形，查其病症，即可知其病因，其精確孰逾於此，消毒之法，不必凡病皆用，國醫亦何嘗不嚴密，特不如西醫之處處以此自炫耳，焦館長爲國醫領袖，尙事事謙退，汝余岩乃反以此驕橫無理乎，至詆國醫爲幸中偶合，西醫之治病，全恃數種藥物氣化之幸中偶合，乃反以之詆我國醫乎，真可謂煨練周內矣，真可謂欺瞞民衆矣，以物質之眼光，批評氣化之哲理，又何從認識疾病正身理法乎。（未完）

▲本刊第九期刊誤

第一頁題下人名「張拱瑞」應作「張拱端」

第四頁第一行第廿二字「治」應作「始」

第五頁第三行第二字「一」應作「依」

第七頁第十一行第九字下缺「神」

第七頁第十一行第十三字「不」應作「自」

第十四頁第七行第廿六字「職」應作「識」

第十七頁第二行第三四二字「賦跌」應作「斌硤」

第十七頁第三行第廿一字「中」應作「外」

第廿三頁第十行第十三字「之」應作「所」

第廿九頁第十一行第廿四字下缺「不」

第廿九頁第十四行第四字「腹」應作「復」

第卅三頁末三行有「連詔」皆應作「連轄」

上古天真論詳解

古渝鄒趾痕著

全書一冊定價洋二角 外省加郵費一角

發行所 北平崇內江擦胡同四十五號

專 著

△聖方治驗錄卷之一

梁樹聲之戰汗

梁樹聲年二十八歲，光緒十八年壬辰，舊曆六月，患發熱而渴，身疼體重，咽痛口苦，身無汗，小便赤而痛，愚診之曰，暑病也，素問熱論曰，先夏至日爲病溫，後夏至日爲病暑，凡暑病不可發汗，因爲受暑氣之蒸發，汗出過多，驕陰盛暑伏於內，淒風冷雨襲於外，所以不可發汗者，津液竭也，必須津液充足方可發汗，今病者，津液虧虛，若又發汗，是益虛其虛，法宜清熱潤燥，滋陽明之乾枯，通決瀆之壅滯，水道下達，太陽上升，病乃可愈，服愚方至七日，發戰汗，此次戰汗，先無影響，愚無由預知，是以對於病家，未有事前之警告，當戰汗發時，病人覺得戰慄牙磕，齶齶畏寒，恐病變壞，繼而手足厥冷，目盲心滿，大驚曰，病變壞矣，死亡即在目前，庸醫誤我矣，急延他醫，冀一挽救，後醫見愚方爲仲景方，駁之曰，此病用此方，自然當用，但用之未得其時，所以誤事，於是方用蘇梗，羌活，細辛，蒼朮，厚朴，板榔，防風，香附，甘草，外用生薑，葱白，爲引，純是俗醫伎倆，對於此病，無益有損，病人無知，認爲救命之方，急刻照方購服，未半刻，病人頭暈，身如雲霧，思睡，覆被而臥，卽發熱，熱度漸高，大熱如燔，蒸蒸汗出，源源不止，約二小

時，熱乃退，汗乃止，衣褲盡濕，褥簟水流，而全身快爽，胸脇寬舒，心安神悅，飲食亦佳，遂極讚後醫方之神奇，有客自病人處來，言其故，愚驚曰，此戰汗也，此乃服愚方七日所得之功效，豈後醫蘇羌辛蒼，香燥劫液之品，所得戰汗者哉，今既得汗，大病悉愈，不須服藥，糜粥自養可矣，後醫之方，不可服也，客曰，彼信後醫如神明，今令毋服其方，安能邀其允許，後三日，客又自病人處來，言病人自出汗後，快然無病，飲食亦佳，今忽不能食，呻吟床褥，自言不知病之所在，只覺心煩而已，因以趾君後醫之方不可服之言告之，彼擺頭不答，則彼執迷不悟可見矣，愚曰，若是乎，彼病將復矣，復則必死也，客曰，病復必輕，何以遂致於死，愚曰，凡復病必較前病加劇，因為大病新愈，氣血空虛，復病之邪必強，以強邪入虛體。勢不可當，雖有良醫，亦難挽救，愚竊為病人危焉，客曰，病人先服趾君方，六七日無效，已懷疑意，服後醫方第一煎，便獲大效，因而病人信任後醫，不能覺悟，如趾君言，後醫之方不可服，前已告之矣，無如彼置若罔聞何也，愚曰，彼聆君言，置若罔聞者，彼未覺悟後醫之害故耳，今則後醫之害見矣，客與病人，既屬友誼，目睹其受害而抵於危，又不一進忠告，豈其可乎，客曰，彼不聽忠告，當如之何，愚曰，此何事乎，君之友，生死關頭，在此一言，君不關心於友之死則已耳，倘關心焉，當盡切憇之誠，當加以危在眉睫之警告，雖犯顏受怨不計也，客乃斐然而驚，憬然而悟曰，嚮者，某對於前後之醫，孰是孰非，未有定見，是以對於病人，不敢力爭，今聆趾君言，乃知後醫果害吾友矣，吾豈可坐視其死乎，客於是赴病人處，告之曰，君病將復矣，復則必死，君迷信後醫，服其方以致於此，前者君大汗出時，諸病除盡，飲食漸增，乃是得戰汗，而病愈之候，此時若能停止服藥，糜粥自養，指日復還健康

，惟因繼服後醫方，受其方之害，遂至於此，至於此若再不覺悟，後悔何及，病人曰，後醫首劑大效，不知何以後來諸劑不效，客曉之曰，首劑大效，非後醫首劑之力，乃前醫七日七劑之力，君自不察耳，今宜速辭後醫，仍求前醫，或可挽救，病人聞言大悟曰，微君言何能知此，於是復召愚診，服愚方數劑，始將大險度過，復現心中懊憹，反覆顛倒，又服數劑，其頭極痛，痛劇乃鼻出血，多如茶鐘，乃愈，此即傷寒論衄乃解之理也。

▲國醫傷寒課義

(續)

陳澤東著

第二十七章 厥陰在腑之熱症

(本文) 傷寒，脈滑而厥者，裏有熱也，白虎湯主之。

(二條) 下利，有微熱而渴，脈弱者，令自愈。

(三條) 下利，脈數有微熱，汗出，令自愈，設復緊，爲未解。

(四條) 熱利下重者，白頭翁湯主之。

(五條) 下利欲飲水者，以有熱故也，白頭翁湯主之。

(六條) 傷寒噦而腹滿，視其前後，知何部不利，利之則愈。

(七條) 下利譫語者，有燥屎也，宜小承氣湯。

(註) 本文七條，皆本經在腑之熱症也，凡在臟之病皆干及於腑，三陰之熱症，多以腑求之。

第一條，言傷寒脈滑而厥，是裏有熱也，裏者胃也，以本經之熱溢於胆，不能潤脾，脾代胃動搖運化之力緩，則胃液潤而爲熱，故以白虎湯清胃熱而生液，兼瀉胆之熱也，脈滑者，氣血流通也，氣血流通而厥者，是熱邪燦津，爲熱厥也，彼寒厥者脈多沉遲，或緊或濡也，此即寒熱厥脈象之分辨也，此條之症，與陽明相似，但脈滑而不浮，故爲裏有熱，而陽明症脈浮，故爲表有熱也。

第二條，下利有微熱而渴者，寒邪退，胃家陽氣上升也，脈弱者，是平靜無力之象也，凡由表邪而來之病，將愈之時，卽當現此脈象也。

第三條，此條之意，與第二條同，設脈復緊，爲未解者，是寒邪未解也。

第四條，本經之邪化熱入裏，陷於胃腸，故作挾熱痢疾，下重者熱邪挾溼，壅塞胃腸也，故以白頭翁湯，清其胃腸之熱，而化溼滯也，如非熱痢，斷不可用。

第五條，此亦挾熱痢疾也，下利欲飲水者，以有熱之故，熱者木邪炙胃，故欲飲水也，亦以白頭翁湯清胃腸之熱，以救其被燻之津也。

第六條，傷寒噦而腹滿，木邪橫逆，胃氣不升降也，不升則噦，不降則大小便不利，本文無方，愚意，小便不利，壅在膀胱，當與猪苓湯，大便不利，壅在大腸，當與調胃承氣湯，如不愈，則與柴麻葛根車前湯，升降其胃氣可愈。

第七條，下利譫語者，爲有燥屎，此小腸熱大腸溼也，此下利是大便瀉也，熱在小腸，去心包近則譫語，熱在大腸，去心包遠，則不譫語，此辨有燥屎者，譫語與不

譚語之決也，曰胃有燥屎者，本論雖有明文，亦非確訓，蓋胃爲水穀之海，水液最多，尿絕不能乾，乾則死矣，此條用小承氣湯者，以泄其上中焦之熱也。

第二十八章 厥陰在腑之寒證

（本文）傷寒下利，日十餘行，脈反實者死。

（二條）傷寒熱少厥微，指頭寒，默默不欲食，煩躁數日，小便利色白者，此熱除也，欲得食其病爲愈。

（三條）下利，脈沉弦者下重也，脈大者爲未止，脈微弱數者爲欲自止，雖發熱不死。

（四條）嘔而脈弱，小便復利，身有微熱，見厥者難治，四逆湯主之。

（五條）病者手足厥冷，言我不結胸，小腹滿按之痛者，此冷結在膀胱關元也。

（六條）病人手足厥冷，脈乍緊者，邪結在胸中，心下滿而煩，飢而不能食者，病在胸中，當吐之，宜瓜蒂散。

（七條）下利後更煩，按之心下濡者，爲虛煩也，宜梔子豉湯。

（八條）乾嘔吐涎沫，頭痛者，吳茱萸湯主之。

（註）此章之病，皆寒邪在腑之病，非傳經而成之病也，皆不可用涼藥清裏，如誤用之，皆致危亡，不可不慎。

第一條，下利日十餘行者，胆衝胃也，大便日行十餘次，其氣已虛，脈不實，乃其本象，可不死，如脈反實者，是胆邪實也，大便瀉多，胃氣虛極，再受木邪反尅，

胃陽不復故死，本文無方，愚治此症，以大劑附桂二皮湯，如得木氣順，胃氣復，亦有生者。

第二條，熱少厥微，是無陽也，無陽則反激力薄，故厥微，僅見指頭寒也，默默不欲食者，胃陽不升也，若轉變煩躁數日，是胃陽升也，如小便利色白，是為熱除，必欲得食，其病乃為可愈也，本文無方，愚以葛根加附子湯補之。

第三條，下利脈沉弦，為下重之徵，下利下重者，是痢疾也，凡痢疾之病，皆寒熱之邪，交爭於胃腸，不能豁然瀉下，故窘迫後重，脈沉弦者，乃寒多熱少，邪滯交爭之象也，脈大為未止者，表邪盛也，脈微弱數為欲自止者，寒邪解胃陽復也，發熱二字，是乘脈數而言，若謂脈數當發熱，而亦未必真發熱，即使真發熱，亦不死也，本文無方，愚意可以附子木香厚朴湯與之。

第四條，嘔者，木邪衝胃也，脈弱小便利者，皆元陽虛微之象也，身有微熱者，亦陽虛不能達表化邪之象也，當此之時，若見厥逆，則寒邪閉塞，元陽更不勝矣，故曰難治，故以四逆湯急溫之。

第五條，手足厥冷，寒邪抑經筋也，小腹者，膀胱關元之部，肝腎之經也，滿而按之痛者，冷結在此也，此亦直中之症也，治療此症，當與四逆加朴桂湯。

第六條，手足厥冷，脈乍緊，此經邪抑胃也，邪結胸，非誤下之結胸，心下滿，亦非誤下之虛痞，煩者邪在膈也，當此之時，欲汗之則不在表，欲下之則未入裏，欲

溫之則不在下元，故以涌吐法爲宜。

第七條，下利後更煩者，大便瀉後，胃氣已虛，而尚有溼邪，佛鬱胃口，故心煩而心下濡不痛也，胃口虛邪，則不可下，邪在腑，亦不可汗，邪在上焦而有熱，更不可溫，故以吐法爲宜，然其氣既虛，亦不可大吐，故以梔子豉湯微吐之，不可用瓜蒂散之大吐法也，此條與第六條，吐後須平其胃，愚以枳朴薑夏湯與之。

第八條，乾嘔吐涎沫者，以厥陰爲兩陰交盡之經，其行屬木，此經受邪，則陰陽格逆而侮土，胃受木邪之戟刺，而液出也，言吐涎沫不言吐食者，以胃受木侮，不能食，而亦不能消水，故祇吐涎沫也，頭痛者，厥陰之寒邪上竄也，以吳茱萸湯主之者，取其溫中化寒，導木逆之氣下行也。

(未完)

▲傷寒問答 (續)

沈肖卿著

太陽病，項背強，凡凡，無汗惡風者，葛根湯主之。

問曰，此節所論何症。

答曰，此節所論者，係寒邪先入於太陽筋，與傳於陽明衛分，風邪復中於肌腠，風寒兩感之太陽病也。

問曰，寒邪入於太陽筋，與傳陽明衛分，風邪中肌腠者，何以項背強，凡凡，無汗惡風也。

答曰，寒邪入於太陽筋，寒則筋急，故項背強，凡凡伸頸之狀，欲伸頸以舒之也，無汗者，寒邪

閉毛竅也，惡風者，風邪中肌腠，衛氣不能出以衛外也，法當以葛根湯，以解風寒之邪，故曰，項背強，凡凡，無汗惡風者，葛根湯主之。

問曰，寒邪閉毛竅，衛氣鬱於皮膚之內，則身當發熱，風邪中肌腠，風爲陽邪，陽邪在肌腠，皮膚亦當發熱也，何以此節風寒兩感之太陽病，但無汗惡風，而身不發熱也。

答曰，寒邪閉毛竅，與風邪中肌腠者，皮膚本當發熱也，其所以身不發熱者，因肌腠中有寒邪，夾於風中故也。

太陽與陽明合病者，必自下利，葛根湯主之。

問曰，此節所論何症。

答曰，此節所論者，係寒邪中太陽經，與陽明經氣分之合病也。

問曰，何謂合病，併病。

答曰，合併二字之義，迄無知者，喻嘉言以秦併六國，解併字，其意欲明字義，而言之未確，不能中肯，蓋二經受病，同是寒邪，則寒與寒合，三經受病，同是熱邪，則熱與熱合，故謂之合病，二經受病，一寒一熱，則寒與熱不合，而同時發病，故謂之併病，註家於此等字義，不加研究，則所論之症，爲寒爲熱也已不分晰，如何能解仲景之文。

問曰，寒邪中太陽陽明經氣分者，何以必自下利。

答曰，脾胃以膜相連，寒邪中太陽陽明氣分，陽明經氣分之寒邪，由胃及脾，故必自下利。

問曰，何以不曰。太陽陽明合病，下利者，葛根湯主之，而必曰，太陽與陽明合病者，必自下利。

，葛根湯主之，何也。

答曰，合病之下，加一者字，與必自二字者，係用以辨表裏寒熱也，謂太陽與陽明合病者，爲表症，爲寒邪在氣分，寒邪由胃及脾，故必自下利，其對面之意，謂太陽若不與陽明合病，但寒邪傷太陽，邪由太陽而傳於陽明經，與陽明併病者，則決不能自下利，若邪由陽明經血分，再傳入胃腑，而變爲裏熱之脾約症者，則亦決不能自下利也，其對面有此熱實之症，意義含於中，故不能曰，太陽陽明合病，下利者，葛根湯主之，而必曰，太陽與陽明合病者，必自下利，葛根湯主之。

太陽與陽明合病，不下利，但嘔者，葛根加半夏湯主之。

問曰，此節所論何症。

答曰，此節所論者，係寒邪中太陽與陽明經氣分，陽明經氣分之寒邪及胃，而未結脾，不下利，但見嘔水之症也。

問曰，上節云，寒邪中太陽陽明氣分者，必自下利，此節亦是寒邪中太陽陽明氣分，何以不下利，而但見嘔水之症。

答曰，上節陽明氣分之寒邪，及胃而傳脾者，本應下利，故曰，必自下利，此節陽明氣分之寒邪但及胃，而未傳脾，故不能自下利，而但見嘔水之症。

問曰，陽明氣分之寒邪及胃，何以能嘔水也，並用葛根加半夏湯治之何也。

答曰，陽明氣分之寒邪及胃，三焦之水氣，隨寒邪犯胃，水氣上逆，胃氣不得下降，故作嘔也，

嘔者，吐水也，法當以葛根湯，以解太陽陽明氣分之寒邪，加半夏以降胃逆，而散水也，故曰，葛根加半夏湯主之。（未完）

▲傷寒要略（續）

張蘭亭編

原文，傷寒脈弦細，頭痛發熱者，屬少陽，少陽不可發汗，發汗則譫語，此屬胃，胃和則愈，胃不和，則煩而悸。

（註）傷寒脈弦細者，少陽之病脈也，頭痛發熱者，少陽傷寒症也，夫少陽主樞，故不可發汗，發汗則心液虛而神機內逆故譫語，此屬胃者，若胃和，則神機轉樞而病自愈，若胃不和，則心氣益虛，故煩而悸也。

原文，本太陽病不解，轉入少陽者，脇下硬滿，乾嘔不能食，往來寒熱，尙未吐下，脈沉緊者，與小柴胡湯。

小柴胡湯方

柴胡半斤，黃芩三兩，人參三兩，半夏半升，甘草三兩，生姜三兩，大棗十二枚。

右七味，以水一斗二升，煮取六升，去滓，再煎取三升，溫服一升，日三服，加減法見前。

（註）病入少陽，轉樞不利，故脇下硬滿，乾嘔不能食者，三焦之氣不和也，往來寒熱者，邪居半表半裏之故也，尙未吐下，中土不虛也，脈沉緊者，乃太陽本寒與少陽火熱相持也，故

與小柴胡湯和解之者，取柴胡解少陽在經之表寒，黃芩解少陽在府之裏熱，姜棗參夏和中助裏，使裏氣充，而不受邪，其邪還表則解矣。

太陰經摘要

原文，太陰之爲病，腹滿而吐，食不下，自利益甚，時腹自痛，若下之必胸下結鞭。

(註) 太陰之爲病，腹滿者，腹爲脾土之舍，脾病不能上交於胃，故腹滿，胃氣不能下交於脾，故作吐，脾胃不和，故食不下，太陰溼氣下注，故自利益甚也，時腹自痛者，脾絡不通也，若下之則傷胃土之氣，故必胸下結鞭也，夫太陰者，陰中之至陰也，其主閉，病有內外之別，如論中所謂太陰之爲病，脈浮者，可發汗，宜桂枝湯，此太陰之病外也，又曰，自利不渴者，屬太陰，以其藏有寒故也，當溫之，宜服四逆輩，此太陰之病內也。

原文，傷寒脈浮而緩，手足自溫者，繫在太陰，太陰當發身黃，若小便自利者，不能發黃，至七八日，雖暴煩，下利日十餘行，必自止，必脾家實，腐穢當去故也。

(註) 傷寒脈浮而緩，手足溫者，知繫在太陰也，太陰屬溼，溼與瘀熱相搏，當發身黃矣，若小便自利，則溼不蓄，熱不瘀，故不發黃也，至七八日，雖暴煩，下利日十餘行，必當自止者，乃太陰脾家素實，邪不自容，腐穢當自去而解矣。

原文，本太陽病，醫反下之。因爾腹滿時痛者，屬太陰也，桂枝加芍藥湯主之，大實痛者，桂枝加大黃湯主之。

桂枝加芍藥湯方

桂枝三兩，芍藥六兩，甘草二兩，生姜三兩，大棗十二枚。

右五味，以水七升，煮取三升，去滓，分溫三服。

桂枝加大黃湯方 卽前方加大黃二兩。

(註) 本太陽病，醫反下之，因爾腹滿時痛者，乃太陽之邪陷入太陰，以致脾絡不通之故也，桂枝加芍藥湯主之者，以其功能外解太陽之表，內和太陰之裏也，若大滿實痛，則屬太陰中見陽明之熱化，故宜桂枝加大黃湯，外解太陽之表，內攻太陰之裏實也。

少陰經擇要

原文，少陰之爲病，脈微細，但欲寐也。

(註) 脈微者神氣微也，細者精氣虛也，少陰主樞，但欲寐者，乃神氣不能外浮，而陰陽樞轉之不利也，少陰標本不外水火陰陽，此乃少陰病之總綱也。

原文，少陰病，始得之，反發熱脈沉者，麻黃附子細辛湯主之。

麻黃附子細辛湯方

麻黃，細辛，各二兩，炮附子一枚。

右三味以水一斗，先煮麻黃減二升，去上沫，內諸藥，煮取三升去滓，服一升，日三服。

(未完)

實 驗

△腹膜炎治愈之實績

北平袁華（別號容凡子）來稿

本年一月十七日，平市周作民先生宅來電約華治病，病人乃先生之長媳，卓宏謀先生之女公子也，最近是第四次產子，而未滿四十日，病狀係腹部劇痛，據云，德大夫克利診斷，係盲腸炎，力主非開割不可，經華檢查，乃產後受風，積久發炎，是腹膜炎，非盲腸炎也，病人以華檢查時，盲腸部分並不感覺痛苦，痛在左腹，於是深信華言不謬，乃問先生能治乎，答以三天准好，至期完全成功，今已動作如常矣，諸位同志試思，以未滿四十天衰弱身軀之產婦，再施以麻醉藥，加以開割腹部取去盲腸手術，其危險之程度爲何如也，而況認症錯誤乎，真可謂以人命爲兒戲，此次病人之不蹈陳筑山夫人覆轍，（見二十年九月十八日大公報陳君質問協和醫院書）不能不說，「會有天幸」，嗚呼，此即所謂科學治療歟，華實不敏，以爲乃屠宰治療也，若梁任公之流，孰非犧牲於此屠宰治療之下者，莊子不云乎，「人之生，氣之聚也，聚則爲生，散則爲死，」可見氣之關係生命至大，國人乎，其速猛醒，如有疾痛，慎勿輕易允許開割以洩其氣，是所切盼，謹佈。

時症急救專欄

▲天津市中醫公會救疫議案並治法

本市東門內中醫公會，對於今春時疫複雜，關心救治，特於本月廿四日，召集全體開會，研究治法，茲將其原議案，照錄如下。

陳主席澤東提議云，近日時症頗多，病象亦甚雜，衆同志諸君，近日所見之症，請當場宣佈，以別治法之是非，李委員錫卿云，近日有咽喉症，用涼藥無效，趙委員瑞升云，鄙人在北平救愈一溫痧升喉症，前醫皆重涼藥，以致咽喉更腫，結胸氣悶欲死，遂延鄙人診治，予以解表舒氣法，得透汗，咽喉之腫漸消，胸悶亦解，三劑而愈，王委員潤田云，近日有痧腮，即仿主席澤東先生之法，散風解表法皆愈，劉委員輔臣云，近日有咳嗽症，用涼藥亦加重，改用舒肺散風法亦皆愈，陳主席又云，諸位同志所談之症，鄙人亦皆得見誠然是涼藥不能用，其病之源，皆因去冬不冷無雪而多霧，人身肌肉不實，邪風侵襲之故也，惟用散風驅邪之法，果得透汗，此種種之病，皆可痊愈，茲將近日所用有效之方當衆宣佈。

黑豆卷錢 藿香葉錢 葛根錢 蘇葉二錢 柴胡錢 枳寔八分 紫朴錢 檳榔錢 水三盅，煎一盅，取汗避風忌醋，鷄子，水果，牛羊肉，如兼喉痧疹子，加杏仁桔梗川柳山甲各八分，痧腮加柴胡五分，青皮一錢，咳嗽加杏仁錢五分小兒減半。當場宣讀，大衆頗歡悅贊成云。

瑣聞

▲南京中央醫院草菅人命之寫真（轉載本年二月十一日益世報）

唐處長佛哉先生之夫人張率真女士，因吞食少許鴉片，於上月（即二十三年十二月）二十八日，在中央醫院逝世，狀極悲慘，茲將目擊前後經過各情形，分條縷述以供國人之公評焉。

（一）吞烟之原因 緣唐處長與張夫人，伉儷情篤，結褵廿餘年，相敬如賓，夫人婦德俱備，內理家政，外接親朋，皆井井有條，且秉性節儉，損己待人，平日衣不求美，食不求精，除周濟貧寒外，不肯浪費一文，十餘年來，私積子女教育婚嫁等費萬餘元，悉數貸與安慶馬氏兄弟，及吳姓之手，屢討未獲，嘗懷懊惱，唐處長因勞心外事，未遑顧及家計，遇有用款，祇向夫人索取，適前兩月財部命長魯豫區統稅局，受任之始，以各方薦人太多，招待餽贈所費不貲，十一月份結賬，竟超出預算三四千元，又值家鄉歲歉，來京求事及告貸者，復絡繹不絕，更有所求未遂，回盜唐太夫人之棺墓，以洩其忿，渠夫婦素本好義，益以此種刺激，遂敷衍以市好於鄉人，（夫人尤愛臉面情願刻苦自己不肯落人褒貶）以致手頭拮据，周轉不靈，處長欲將房產抵押，暫濟目前，夫人情急，爰於上月文日，搭輪赴皖索款，結果一無所得，反賠川資，臨行之時，曾有討錢不着，就此尋死之言，家人認為氣憤語，毫未措意，不料竟以此輕生，此夫人吞

烟之情由如此。(事後檢出向馬家索欸函稿十餘件情詞懇切件件均有財與命相連不還則以死繼之之語)

(二) 烟之來源，及所服量數 夫人於漾日由皖回津後，神經頓失常態，聞曾要求處長，向馬家直接交涉，將借款經過，登諸報端，並提起訴訟，處長碍於友誼，不便翻臉，未之允，祇百般勸其稍緩再說，上月二十七日夜九時，女傭進房，見夫人嚶嚶暗泣，嘴上有黑跡，嗅是鴉片，嚇得大聲喊救，處長一聞此訊，於心慌意亂中，不暇審及吞食多少，立將夫人勸上汽車，馳赴中央醫院求治，途間嚴詰同去之女傭勤務，「是何人爲太太購此毒物，非送濟南照販賣毒品例槍斃不可」夫人知覺完全，與好人無異，答道，「是我在輪船上自購，我因這個空心門面不易撐持，錢又討不着，環境很難應付，棺材我都看好，相片亦照好，早蓄此心，與他們無涉，」事後在箱架旁，搜出小洋鐵盒烟膏一盒，估約一錢重，內剩烟膏五分之四，推定所食，不過二分，蓋因烟膏濃厚，倉猝不易倒出，(盒及餘烟現均保留，以爲服食不多之証，有一女傭說，太太是要挾處長向馬家要錢，故食煙以嚇之，是否吞入腹內，尙屬疑問，)以此輕微分量，決不致命，社會人士，當不異斯言，此夫人吞烟之量數如此。

(三) 以人命爲兒戲之劊子手 夫人自九時吞烟，不二分鐘發覺，卽上汽車，距到中央醫院時至多不過十二分鐘，同去有唐處長，唐小姐，石主任，及我和勤務女傭等，共六七人，到卽付款掛號，婉請醫生速救，情詞十分迫切，該院問訊處之龔某，不問情形若何緊急，但于形式上手續上，作種種吹求，催之稍急，反肆口謾罵，候有五十餘分鐘，又經再三懇求，始有一項姓醫生

，緩步前來，就急診室畧一檢視，問服毒已歷幾時，（未問服毒多少）我們答稱，「連等你不過一小時，」又問夫人姓氏年齡，夫人亦照實答覆，項隨命灌藥水，此時夫人神志甚清，語音朗澈，連說「我自喝，不須灌」當由石主任持碗喂飲，因灌之過急，不能喘氣，夫人又搖手示意稍緩，如此邊喝邊吐，計有四五盆，該醫不檢查水色有無毒質，仍命灌水，處長問「內人吐得不少，難道毒還未盡嗎」該醫指着盆內黑物道，「這不是鴉片嗎，當然還有餘毒，」處長就盆中檢起一看，是晚飯時所食黑鹹菜，（夫人近日好佛常喜素食本晚所食鹹菜即俗稱之霉乾菜）因送給項醫看道，「這是黑鹹菜，不是鴉片烟」項醫面赤答道，「你們無醫學常識」說時，用鐵環繃開夫人之嘴，將小指粗，六七尺長之象皮管，由環孔猛向夫人咽喉插入，約有二尺許，（死因在此詳情見後）又將舌條箝住，灌水注射，灌至十餘分鐘，外面忽來電話，項遂放棄工作，接機說話，祇聽「唯唯，阿羅，哈哈，覓死覓，死覓脫，也是，夜死」之聲，洋洋盈耳，調情打趣，綺語纏綿，幾欲鑽進話機接吻，唐小姐在旁哭道，「人家性命危急還有心打趣，這不是無聊麼」（唐小姐係夫人之女在中華女高中讀書能懂外國話大約該醫說有許多褻語故罵其無聊，）項仍刺刺不休，約有十餘分鐘，電話未終，夫人已汗珠如雨，兩眼翻白，我們見此險象，請項少說幾句，或將象皮器略予拔鬆，項比答道，「不要緊」又指揮其潘姓助手道，「加緊，快加緊」（這樣加緊無異絞刑）未及數分鐘，夫人頭部手部俱冷，暈死過去，處長與小姐，尖聲哀痛，項醫佯若無事，慢條斯理，將象皮管拔出，手搖夫人頭道，「唯唯，醒來，唯唯，快醒來」叫了多時依然未醒，彼知肇禍，詭稱「（毒已全去，（毒雖去奈人已死何）不過神

精衰弱麻醉，可速送病室休養，」此堂堂國立醫院之醫生，鹵莽粗率，將活人治死之實情如此。
。(未完)

上海中西醫藥研究社成立大會紀

中西醫藥研究社，爲醫界名流，褚民誼，卞福保，黃雲，張樹勛，徐元甫，宋大仁，江海鳴，范天磬，沈警凡等三十人所發起，業於一月二十六日下午二時半，假座北四川路，新亞大酒店禮堂，開成立大會，到會者，有宋大仁，丁福保，沈警凡，范天磬，東南醫學院，郭琦元，江海鳴，劉國祥，南京社員，葉古紅，魏新綠，市黨部代表毛雲，教育局代表聶海帆，同濟大學醫學院代表姜壽椿，新藥公會孫壽成等百餘人，盛極一時，公推宋大仁主席，江海鳴紀錄，開會秩序如下：(一)行禮如儀，(二)主席致開會詞略謂：醫藥兩字，本無中西可分，本社冠以此兩字，是有時間空間性的關係，我們覺得中國有數千年的歷史，在人類本能所發現的醫藥智識，不無幾許可以研究的地方，然要研究他，非採用科學方法不可，庶幾國粹國渣可以明白云云，(三)籌備委員沈警凡，報告籌備經過，(四)黨部教育代表致詞，(五)審查社章，(六)選舉郭琦元，宋大仁，范天磬，沈警凡，丁福保，江海鳴，劉國祥，趙續如等九人，爲理事會理事，並當場宣誓就職，(七)來賓演說，(八)社員演說，江海鳴講：怎樣改進我們中國的醫藥教育，范天磬講：研究我國醫藥文獻的方法，沈警凡講：我們怎樣提倡藥學革命，詞長不備錄，(九)攝影，(十)歡宴，(十一)禮成。

記者按：中西醫藥研究社，爲輸灌新醫智識，研究中國歷代本草驗方，及整理中醫文獻之學術機關，在中國尙係初創，將來對於我國學術界，定有偉大之貢獻，聞該社現在開始徵求社員，社址，設於上海北四川路永豐坊六十五號云。

社會義務欄

編者 志學

第 二 號

灌輸醫學常識，公開經驗良方
担任醫藥顧問，解答疑難問題
救濟赤貧疾病，組織義務施診
介紹特效藥品，供給醫界新聞

▲本欄簡則▼

- 一，歡迎各種醫學常識稿件
- 二，來稿須簡明，切實，繕寫清楚
- 三，稿寄本報「社會義務部」請勿用私人名義，以免遺誤
- 四，本部係純粹義務，來稿恕不致酬，亦不璧還
- 五，如讀者，或同道，願以特效經驗良方公佈者，尤所歡迎
- 六，特闢讀者信箱，如承來函指導，或建議，本部自當盡量接受
- 七，來函問病索方，或討論醫藥事項，本部統於本欄解答，其有立待答覆者，請付回件郵票，立即專函答覆
- 八，來函來稿，均請書明姓名及詳細住址

▲驗 方治鼻衄方

鼻衄係由鼻孔中出血，患此者多係肝胃鬱熱，挾血上衝所致，或由腎虛火炎，血不歸經，因其來勢洶湧煎服湯藥，爲時不及，以單方治之，取效甚捷，茲將所集驗方錄出，以便患者採用。

治鼻衄方（一）用葱搗汁，入酒少許滴鼻中，即覺血從腦上散下，立止。（一）冷水調白芨末，用紙花貼山根。（一）人中白研細末吹。（一）用濕布薄胸中。（一）刀刮指甲細末末吹即止，（一）山梔炒黑爲灰，吹鼻中效。（一）血餘燒炭吹，胎髮少壯人髮更好，（一）鼻血不止，用獨頭蒜切片，貼於脚心，左出血貼左，右出血貼右，即愈。（一）鼻衄不止，以本人鼻血紙燃蘸之，右衄者點左眼角，左衄者點右眼角，左右並衄者，點兩眼角內立效。（一）鼻血不止服藥不效，用大蒜一枚，去皮細研如泥，攤一餅子如錢大，左鼻出血貼左足心，右鼻出血貼右足心，兩鼻出血，貼兩足心，血止溫水洗去，鼻衄過多，昏冒欲死，急用多年沉香墨，濃研滴入鼻中可救。

本刊啓事

敬啓者 敝刊定價全年十二期本係大洋三圓不料國醫公報各處刊物列表內誤刊爲二圓以致定閱之家紛紛來信質問除已函請國醫公報予以更正外特此聲明俾衆周知此啓

天津東門內國醫正言編輯部公啓三月一日

山西新城新民正街
中醫改進研究會發行

研究中國醫學者不可不讀

▲醫學雜誌

現出至第七十九期每兩
 月出版一期全年六期定
 價一元五角特價一元零
 售每期特價二角

▲醫學雜誌

彙訂

共四集自民國十九年起
 至民國二十二年止每年
 裝訂一集每集特價大洋
 一元

一切合實用之醫書

—中國傳染病學—

上卷已經出
 版為本會常
 務理事時逸
 人君著內分
 總論各論兩
 大篇對於鼠
 疫霍亂白喉
 等十種傳染
 病詳述靡遺
 定價一元特
 價五角

**▲審查徵集
 驗方**

為本省村政處在本省各
 縣區村所徵集計方一千
 餘首由本會詳加審查全
 書一厚冊二百餘頁定價
 八角特價五角

**▲審訂良方
 彙**

本省孟縣已故名醫郭效
 古家傳秘方由省府送交
 本會審查定價五角特價
 三角

注意

以上各書在民國二十三年年底以前均照特價發售
 (過期無效) 外埠外加郵費一成郵票九五折算以
 一分五分為限

國醫正言 第十期 廣告

國語正言定閱單

戶名	地址	期數	書費	日期
		自第 期起 至第 期止 計 份	計洋 元 角 分	中華民國 年 月 日 定

定閱處 天津東門內文學東
 箭道國醫研究會內
 定閱者 請將此單剪下填
 齊附款寄交本刊

定報價目表

全年十二册	零售每册	册數
	半年六册	國內
	三元四角	香港及南洋
三元	三元六角	歐美
四元	二元一角	
六元五角	六角	

郵費在內不另取資報資先惠

廣告價目表

正文後	封皮裏面	封皮底面	地位	面積
			全面	全面
六元	十元	十二元	全面	全面
三元五角	六元	七元	半面	半面
二元	三元	四元	四分之一	四分之一
一元五角	二元	二元五角	八分之一	八分之一

本報對於國產飲料食品廣告價目格外從廉
 此表係一期價目登三期以上九折六期以上八折全年七折
 (但逐期續登期數未經規定者不在此例) 插圖另議
 以上各費一律大洋均須先惠

本刊編輯部助理人員

吳香圃	王世珍 <small>紹陵</small>	許宗彝 <small>從周</small>	張少仙 <small>品棧</small>	劉廷文
李恩第 <small>錫卿</small>	楊仲生 <small>明子</small>	趙佩衡	于長潼 <small>東川</small>	王世鈞 <small>冠華</small>
戚松年	費子彬	周履安	王樹森	高峻峯
杜文元 <small>後峰</small>	王鳳墀	朱世恩	李鴻儀	薛少華
劉金詔	張國棟	鮑世慶 <small>雲卿</small>	張振芝	王仲揚
潘春臺	雷紹伯	趙靖甫	曹樹芸	劉國明 <small>和子</small>
趙少廷	周硯峰	劉德旺	許硯峰	劉紹庭
戴世棟	王允莊	侯繼志	趙晦堂	秦深泉
谷彩岩	宋向元	蘇寶誠	田熙元	張蘭亭
李文彬	奚廷驥	劉松林	劉幹臣	李丹五
李耀廷	呂環章	楊繡峯	張靜齋	紀良臣
王曰清				

國醫正言(月刊)第十期

中華民國二十四年三月一日出版

編輯主任 陳曾源澤東

編輯 周偉蘇甫 孫鳴山

沈肖卿 趙瑞升

趙寒松 齊志學

發行者 天津市國醫研究會

會址 天津市東門內文學東箭道

借用陳宅電話五局一六八九

印刷者 天津益世報館

本刊代售處

西北城角 博古書局
 大胡同 江東書局 南洋書局
 北馬路 大通書局 成文厚書局
 直隸書局 蔚文書局
 東門內 培遠堂 寶林堂 文運堂
 法租界 天津書局
 慶豐棧 諸葛希武
 武清代售處
 上海代售處 四馬路上海雜誌公司

遠銷世界

虎標萬金油

非藥力
若藥勝

本堂獨得異訣。選辦中西真正寶貴藥料。秘製虎標萬金油。統治男婦老幼內外各症。扶正驅邪。性和功峻。



自出世以來。中外人士。有口皆碑。實為惟一之無上聖藥。病者視為金科玉律也。茲將主治各症詳列下面。

◀ 內科主治 ▶

四時感冒 提神止渴 心氣肚痛 手足酸軟 避穢濁氣 寒熱瘧疾 五種蠱脹 時行瘟疫 山嵐瘴氣 通關活絡 止咳化痰 中風痰厥 遍身麻痺 行船乘車 噎膈翻胃 消暑除煩 霍亂吐瀉 風痰鶴膝 絞腸痧痛 手足凍裂

◀ 外科主治 ▶

頭暈目眩 牙痛耳痛 神經骨痛 刀傷火傷 花柳中毒 毒蛇咬傷 腰骨節痛 周身疼痛 手足腫痛 疥瘡大瘡 瘰癧核痛 無名腫毒

一此油兼治 凍瘡煤癩 六畜瘟疫 功效神速。患凍瘡煤癩者注意。幸弗輕失。一內科將此油取三五分。用茶或滾水沖服。童子酌量減用。一外科將此油抹於患處。便見神效。按本堂萬金油有紅白兩種。俱用真料秘製。色異功同。不分軒輊。

虎標永安堂

總行 新嘉坡 分行 天津法界二十六號路九號 電話 三三四三 代理 迎歡